

STATUT
i
Shoqëri me Përgjegjësi të Kufizuar (sh.p.k.)
"InTEN"

Shoqëria me përgjegjësi të kufizuar "InTEN" udhëhiqet nga statuti i mëposhtëm

Emri

Neni 1.

- 1.1 Emri i Shoqërisë është "**InTEN**" (Shoqëria), ndjekur në mënyrë të pandashme nga shkurtimi "**shpk**", cili përfaqëson formën ligjore të saj.
- 1.2 Ortaku i vetëm i Shoqërisë ("**Ortaku**") gëzon përgjegjësi të kufizuar deri në limitin e kontributit përkatës në kapitalin e shoqërisë të përfaqësuar në kuota.
- 1.3 Shoqëria ka formën ligjore të një shoqërie me përgjegjësi të kufizuar, në pajtim me ligjin nr.9901, datë 14.04.2008 "**Për Tregtarët dhe Shoqërite Tregtare**" (Ligji i Shoqërive

Selia

Neni 2.

- 2.1. Selia e Shoqërisë ndodhet në adresën adresën **Rruga e Dibrës, ndërtesa nr.113. Njësia Bashkiake nr.10, Tiranë**. Shoqëria ka të drejtë të ndryshojë selinë e saj në një adresë dhe/ose në një qytet tjetër të Shqipërisë. Shoqëria mund të hapë degë të saj ose zyra përfaqësimi kudo brenda ose jashtë territorit të Republikës së Shqipërisë.
- 2.2. Selia e Shoqërisë mund të ndryshohet me vendim të Ortakut të vetëm.

Kohëzgjatja

Neni 3.

- 3.1. Shoqëria do të kryejë aktivitetin e saj ekonomik për një një afat të pacaktuar.
- 3.2. Kohëzgjatja e shoqërisë do të fillojë pas regjistrimit të shoqërisë në Regjistrin Tregtar dhe mund të zgjatet ose shkurtohet, me vendim të Asamblesë së Përgjithshme të ortakëve me 75% kuotave të shoqërisë.

Objekti

Neni 4.

- 4.1 Shoqëria do të ketë si objekt kryesor: Farmaci. Tregti me shumice dhe pakice të artikujve farmaceutike. Tregtim medikamentesh, suplementesh, shtesash ushqimore, produkte kozmetike dhe medikal device online me pakice etj. Shoqëria do të mund të kryejë cdo aktivitet të ligjshëm tregtar import, eksporti, tregtia me shumice e pakice të mallrave, pasurive të paluajtshme apo të luajtshme duke përfshirë por pa u kufizuar vetëm në blerjen, shitjen, transferimin, ndertimin, nen-kontraktimin, disponimin, posedimin, menaxhimin, marrjen apo dhenin me qira, leasing e pasurive të luajtshme dhe/ose të paluajtshme, dhenien e fitimit e cdo të drejte apo privilegji në lidhje me këto pasuri. Shoqëria mund të kryejë aktivitetin publikimi dhe reklamimi. Shoqëria mund të themelojë dhe/ose të bëhet bashkëpunues në çfaredolloj ndërmarrje në Shqipëri ose jashtë shtetit, me të njëjtin qëllim apo të përafert që funksionon në cdo formë ligjore. Import - eksport të artikujve farmaceutike, parafarmaceutike dhe artikujve të afert e të ngjashëm me to. Tregti me shumice dhe pakice, import - eksport të artikujve të ndryshëm të gjitha llojeve. Shitje online. Shoqëria gjithashtu mund të realizojë bashkëpunime me shoqëri të tjera që kanë të njëjtin objektiv ose të ngjashëm me ato të shoqërisë si dhe bashkëpunime me persona fizikë. Veprimtari të ndryshme në fushën tregtare sipas legjislativës në fuqi.
- 4.2. Shoqëria ka të drejtë të ndryshojë objektin e veprimtarisë së saj në cdo kohë sik parashikohet në këtë Statut.

Kapitali Themeltar

Neni 5.

- 5.1. Kapitali i Shoqërisë do të jetë në total 10.000 (Dhjetë mijë) Lekë, i përbërë nga 1 kuotë, me një vlerë nominale 10.000 (Dhjetë mijë) lekë, e cila përbën 100% të kapitalit.
- 5.2. Ortaku i vetëm themelues:
- **Z. Dejvi Jazexhiu**, i biri i Përparim-it, lindur më 13/12/1994, banues në , Tiranë, me kombësi Shqiptare, mbajtës i kartës së identitetit me numër J41213073V, zotëruar i një kuote të barabartë me vlerë nominale 100%.

Zvogëlimi ose Zmadhimi i Kapitalit Themeltar



Neni 6.

- 6.1. Ortaku i vetëm mund të vendosë për zmadhimin ose zvogëlimin e kapitalit. Kapitali i shoqërisë nuk mund të zvogëlohet më shumë se kufijtë e përcaktuar me ligj

Organet e Shoqërisë

Neni 7.

- 7.1. Organi me i lartë drejtues i kësaj Shoqërie tregëtare do të jetë ortaku i vetëm Dejvi Jazexhiu i cili do të jetë dhe administrator i kësaj shoqërie për një afat 5 Vjecar.
- 7.2. Ortaku i vetëm ka këto kompetenca:
- Ndryshimin e selisë së shoqërisë dhe emërtimin e saj
 - Vendos lidhur me pagat e punonjësve të shoqërisë
 - Ben ndryshimet e çfardoshme ne Statutin e Shoqërisë
 - Përfaqëson shoqërinë në marrdhënie me shtetin ose person të tjerë juridik e fizik
 - Nëse administratori do të jetë i ndryshëm nga ortaku, emëron ose shkarkon atë sipas rastit.
 - Ushtron te gjithë kompetencat e tjera te parashikuara në ligjin Shqiptar, në këtë statut, akt themelimi apo akte të tjera juridike të mëvonshme, duke patur të drejtën që ti delegojë edhe personave të tjerë kompetencat.
- 7.3. Të drejtat dhe detyrimet që rezultojnë nga zotërimi i Kuotave, transferohen tek cdo zotërues i ri për këto Kuota.
- 7.4. Detyrimet e Shoqërisë janë të garantuara nga kapitali i saj, dhe Ortakët mundet vetëm të mbajnë përgjegjësi brenda limitit të vlerës së kuotave që ata zotërojnë; Ortakët nuk mbajnë përgjegjësi që tejkalojnë investimin e tyre përkatësisht në kapitalin e Shoqërisë.
- 7.5. Shoqëria nuk mban përgjegjësi për borxhe ose detyrime të tjera të Ortakëve të saj.

Transferimi i pjesëve të Kapitalit

Neni 8 .

- 8.1. Pjesët e kapitalit transferohen lirisht dhe mund të shiten edhe tek të tretë me vendim të ortakut të vetëm.
- 8.2. Cdo transferim i kuotave do të bëhet në përputhje me dispozitat e Ligjit të Shoqërive dhe duhet të regjistrohet pranë Qëndres Kombëtare të Regjistrimit.

Administrimi dhe Perfaqesimi



Neni 9.

- 9.1 Shoqëria drejtohet dhe përfaqësohet nga një ose më shumë Administrator. Administratori (et) mund të jenë të cdo kombësie dhe nuk është e nevojshme të jenë rezidente në Shqipëri.
- 9.2 Administrator i Shoqërisë do të jetë: Z, Dejvi Jazexhiu i cili do e mbajë këtë detyrë për një periudhë 5 vjecare me të drejtë ripërtëritje të këtij mandati të vendosur me vendim të Asamblesë së përgjithshme të ortakëve
- 9.3 Kohëzgjatja e funksionit të Administratorit (eve) është për një periudhe prej 5 vjetesh, duke filluar që nga momenti kur kjo detyrë merr fuqi ligjore (dmth regjistrimi pranë Qendrës Kombëtare të Biznesit).
- 9.4 Menjëherë pas pranimit të emërimit, Administratori(et) njohin në formë të shkruar se mardhënia e tyre me Shoqërinë ndërtohet mbi baza mirëbesimi; lidhur me këtë vendimi për heqjen e tyre nëpërmjet një vendimarrëje të Ortakëve gjykohet si arsye e ligjshme për shkarkimin e tyre, në përputhje me ligjet përkatëse.
- 9.5 Ortaku ka të drejtën të shkarkojë Administratorin (et) me shumicë të thjeshtë votash. Në rast shkarkimi të njërit dhe/ose të gjithë Administratorëve, Administratori(et) e rinj do të emerohen sipas procedurës së përshkruar në këtë statut.
- 9.6 Administratori (et) vepron në lidhje me cdo çështje të Shoqërisë që nuk është caktuar nën autoritetin e Ortakëve në përputhje me këtë Statut, dhe cdo apo të gjithë vendimeve të Ortakëve si dhe ligjeve të zbatueshme.
- 9.7 Për aq sa është e lejueshme dhe në përputhje me legjislacionin Shqiptar ose me cdo legjislacion ku aktet e Administratorit(eve) kanë fuqi vepruese, Administratori(et) kanë të drejtën të marrin vendime në lidhje me detyrat e tyre pa qënë fizikisht present në Shqipëri ose në ambientet e Shoqëris

Kompetencat dhe detyrimet

Neni 10

- 10.1 Kompetencat e Administratorit (ëve) në kuadër të përfaqesimit të Shoqërisë përfshijnë:
- (i) Thirrjen e Asamblesë së Përgjithshme.
 - (ii) Menaxhimin e aktivitetit tregtar të shoqërisë nëpërmjet implementimit të politikave dhe planeve të përcaktuara nga Asambleja e Përgjithshme.
 - (iii) Përfaqësimin e Shoqërisë.
 - (iv) Kujdesin për mbajtjen në mënyrë të përshtatshme të dokumentave dhe librave kontabel të Shoqërisë.



- (v) Përgatitjen dhe firmosjen e bilancit vjetor, bilancit të konsoliduar dhe raportit të ecurisë së veprimtarisë së bashku me propozimet për shpërndarjen e fitimeve që i paraqiten për miratim Asamblesë së Përgjithshme.
 - (vi) Krijimin e nje sistemi paralajmerimi për rrethanat që kërcënojnë mbarëvajtjen e veprimtarisë dhe ekzistencën e Shoqërisë.
 - (vii) Kur është e nevojshme, kryejne regjistrimet dhe dërgojnë të dhënat e Shoqërisë pranë Qendrës Kombëtare të Biznesit dhe ose organeve të tjera, personalisht ose nëpërmjet të autorizuarve nga ai.
 - (viii) Kryerjen e detyrave të tjera të caktuara në ligj.
- 10.2 Administratori(et) mbikqyrin dhe sigurojnë që zyrtaret, agjentet, të punësuarit, auditorët dhe këshilltarët e Shoqërisë të veprojnë me kujdesin e duhur dhe të mbrojnë sa më mirë interesat e Shoqërisë.

Detyrimi i besnikërisë dhe përgjegjësia

Neni 11

- 11.1 Përvec sa është parashikuar në dispozitat e përgjithshme të detyrimit të besnikërisë, sipas neneve 14,15,16,17 e 18 të Ligjit të Shoqërive, Administratori (et) detyrohen:
- (i) të kryejnë detyrat e tyre e përcaktuara në ligj ose në këtë Statut në mirëbesim e në interesin më të mirë të Shoqërisë në terësi.
 - (ii) të ushtrojnë kompetencat që u njihen me ligj ose nga ky statut, vetëm për arritjen e qëllimeve të përcaktuara në këto dispozita;
 - (i) të vlerësojnë më përgjegjësi çështjet për të cilat merret vendim;
 - (ii) të parandalojë dhe mënjanojë rastet e konfliktit, prezent apo të mundshëm, të interesave personale me ato të Shoqërisë;
 - (iii) të garantojë miratimin e marrëveshjeve sipas dispozitave të pikes 3 të nenit 13 të Ligjit të shoqërive;
 - (iv) të ushtrojnë detyrat e tyre me profesionalizem dhe kujdesin e nevojshëm
- 11.2 Administratori (ët) gjatë kryerjes së detyrave të tyre përgjigjen kundrejt shoqërisë për çdo veprim apo mosveprim, që lidhet në mënyrë të arsyeshme me qëllimet e Shoqërisë, me përjashtim të rasteve kur, në bazë të hetimit dhe vlerësimit të informacioneve përkatëse, veprim apo mosveprim është kryer në mirëbesim.
- 11.3 Në rast të shkeljes së detyrës dhe standarteve profesionale, Administratori (et) është i detyruar të dëmshpërblejë Shoqërinë, për dëmet që rrjedhin nga kryerja e shkeljes, si dhe t'i kalojë Shoqërisë çdo fitim personal që ka realizuar gjatë kryerjes së këtyre veprimeve të parregullta. Ai ka barrën e provës për të vërtetuar se kryen detyrat e tij në rregull dhe sipas standarteve. Kur shkelja është kryer nga më shumë se një Administrator ata përgjigjen ndaj Shoqërisë në mënyrë solidarë.

Administrimi Financiar i Shoqërisë

Eksperti Kontabel i Autorizuar

Neni 12.

12.1 Nëse kërkohet, Ortaku duhet të caktojë ekspertin kontabël të autorizuar në numrin dhe kohëzgjatjen e përcaktuar nga legjislacioni shqiptar. Ekspertet duhet të kryejnë funksionet audituese në përputhje me legjislacionin shqiptar

Viti ekonomiko-financiar

Neni 13.

13.1 Viti ekonomiko-financiar fillon në ditën e parë të muajit Janar dhe përfundon në ditën e 31-t të muajit Dhjetor të secilit vit. Viti i parë financiar nis në datën e themelimit të Shoqërisë.

Fitimi i Shoqërisë

Neni 14.

14.1 Fitimi i Shoqërisë përcaktohet në bazë të bilancit të aprovuar nga Ortaku i vetëm. Shpërndarja e fitimit do të caktohet nga Ortaku i vetëm në përputhje me Statutin dhe me ligjet e zbatueshme.

Prishja e shoqërisë

Neni 15

15.1 Shoqëria mund të priset në rrethanat e mëposhtme:

- (i) si pasojë e përfundimit të kohëzgjatjes për të cilin ishte themeluar;
- (ii) me vendim të Ortakut të vetëm;
- (iii) hapje e nje procedure falimentimi;
- (iv) nëse nuk ka kryer veprimtari tregtare për 2 vjet dhe nuk është njoftuar pezullimi i veprimtarisë.
- (v) me vendim gjykate;
- (vi) për arsye të tjera të parashikuara nga Ortaku në cdo kohë.

Dispozita Përfundimtare

Neni 16 Ligji i zbatueshem

16.1 Shoqëria merr personalitet juridik në regjistrimin në regjistrin tregtar pranë Qkb
16.2 Një kopje të këtij statuti dhe akt themelimi së bashku me vendimin depozitohen ne Qendrën Kombetare të Biznesit

**ORTAKU THEMELUES
DEJVI JAZEXHIU**

6

PUBLIC

